


安福縣志



同治十一年重修

安福縣志

板藏公署

重修安福縣志序

昔江淹有言修明之難莫難於志誠以志也者憲章之所繫舉凡山川形勢之險要戶口田賦之紛繁自忠臣孝子義夫烈婦旁逮山林隱逸之事蹟文人學士之辭章皆宜臚列其詳事必徵實論不蹈空尤必裁酌去取

不濫不遺洽乎人人之公心始足以信今傳後洵乎其難為之也安福舊志昉於前縣令焦公榮本之叢錄福乘以成其書迨後劉公學愉續修於康熙癸巳至乾隆壬寅張公繡中又重修之二書雖頗詳明然其體例間有未盡善者同治五年余以菲材承

乏茲邑竊嘗攷究思欲釐正得失顧  
兵燹初平諸待營畫未暇纂輯越三  
年大府奏修通志檄所屬類輸之於  
是延邑之敦行裕學者商確凡例而  
增編焉其前劉張志所未當者悉從  
更正博稽旁采探幽闡隱逾年而後  
書成凡為類十細目九十最二十卷

將付剞劂囑余為文以序余惟志之  
修也豈徒誇耀一邑文物之盛已哉  
必使後之讀是書者瞭然知其風俗  
之升降因時制宜以為興利除弊之  
計況安福素稱名邑其山川菁英之  
會萃於人者文羅武絡代有名人固  
不獨生斯土者宜知則效即官斯土

者亦藉以知所取法焉故朱子知南  
康軍下車即詢郡志論者以為知務  
者此也抑余又有進焉邑志之體不  
同於家乘家乘專主褒善而志則必  
其人有卓然可傳之實始堪采入以  
垂久遠若稍涉嫌疑僅據譽辭未當  
公論雖著於一時且將見削於來哲

昔王司農承修明史於吳會人士行  
誼無甚可取多為之傳有識者往往  
譏之於戲此修明者之所以難也今  
諸君剖判是非權衡輕重而凡發潛  
德之幽光搜遺微之既渺其必能洽  
乎人人之公心也彰彰明矣余故表  
茲義庶安邑有志之士綜名覈實

見是書采擇之慎如此反身自勵各  
期為善人焉則於風化之關也豈淺  
鮮哉至於共事諸君或精於編正或  
詳於籌畫或勤於諮訪或審於讐校  
要皆裨於盛舉而不可沒其勞者亦  
謹次具姓名於後

同治十一年歲在元默涪灘季春月

知縣桐城姚濟昌謹序



舊序

嘉靖戊午叢錄序

鄒守益

秋渠張子崧以邑志之弗徵也作安福叢錄稽往乘搜傳記博詢山岷故老凡爲卷二十有二爲目二十有八首以縣紀疆域終以雜記遺事而於庸調糧畝水陸兵防尤反覆三致意焉噫其志勤矣往予與同志劉子肇袞王生鑄輩議各紀所聞所覩細大必哀而相與合證精擇之以登帙若水陸之珍四方畢集徐別其等而升諸劔鑽盪盪涓醞尊之爲禮柴卑之爲貍沈大之爲牢牽小之爲脯脾舉無遺味而亦無冒升聚而弗博且有匿善矣擇而弗精且有誣善矣眾題之而未果秋渠子以獨力成之其博而無漏精而無泛則我不敢知然周回十有五年凡數易稿而始就厥惟艱哉松谿程侯嘗以志屬予予曰願之久矣顧人物紀難爾蔡生勛

安福縣志

舊序

修泰興志告於朱思齋曰士大夫平日未肯爭作上志書事及修志書則人人爭要上徇私好則負良牧之委執公評則忤羣宦之欲事調停則失秉筆之直松谿晒曰是紀也吾當自任之未浹旬而陟乃至於今使是錄而早就也補其略覈其真辨其疑似將事半而功倍矣乎秋渠子偕其弟貢士巖聯聲庠序眾望其顯榮以紹而祖而考之休乃竟弗遇斂智畢力以寄其蘊年登七十矣懼道謀弗就捐貲以永其傳使良牧諏典以制政良士趨的以倡俗將化宜風移畢升大猷而讐斂橫取奪寡脇弱之痼瞿瞿一洗之則所欲爲者不待出於其躬而後快茲張子之志也已覽斯錄者其尙有感於斯

叢錄題語

王學夔

秋渠張子成安福叢錄以授余余得盡觀焉猗哉張子之志也今

郡邑之志猶古列國史也張子學博志端不得用於時乃終跡於  
茲豈苟焉哉將自託於邑文獻以垂勸戒勤矣核矣或曰茲有司  
事也疑於僭曰傳記策論諸類皆博雅君子獨見而蒐輯矣邑之  
曠未續將不有待乎曰其有所準乎曰張子先世嘗爲史官安知  
非如談之泣授以成論著也固亦可以揚名顯父母言之其志嘉  
矣曰可以爲訓乎曰輿圖山川不失其實戶口稅役因時損益者  
可考也水利建置存乎時爾名宦民德之厚也學校書院教化之  
正也人物諸科條及文藝固文獻也博采而羅致斟酌而班傳勸  
之著也女德厲也兵防衛也其他常附也加之贊評亦庶乎質而  
不俚有良史之才焉夫皆經於正學劉子爲之訂匪獨智也曰諸  
宦績不已雜乎曰其技之長短售於用備於士服矣而可廢乎其  
義則竊取之矣曰先正之顯名以逮今日一善必錄吾惟懼善者  
之未詳也曰非有所昵則亦無害於章如其漏摭以俟君子曰藝  
文煩與曰詩書刪述而道之升降美惡得失以之是志也繫於斯  
文於風俗才識徵焉且可論其素也如其不相符則僞言而已人  
可罔固真戒也曰其亦有裨乎曰樂只君子將緣是而裕民善俗  
因革廢置審其宜崇獎裁抑惟其制省薄矜儉自其躬皆道也亦  
詢於芻蕘之意賢者不俟此乎雖然余何知焉未盡也余嘗論史  
遷之分門太甚亦自郡邑之無世史始創成一家苟有主者邑必  
立局取賢者而世典之歲據直書以俟國史之收纂而實錄焉固  
明有勸戒何志也然不可復矣又嘗嘆吾邑諸先正惇龐寬大方  
嚴不露文章節義燦然凜若余生也晚徒切景仰實不能望其門  
戶取愧於山川邑里爲多於張子之贊評尤深感焉讀斯錄者可  
以興矣

萬曆辛丑福乘藏稿自序

劉元卿

始予從夏和卿家得吳太常安成志錄本讀之蓋所謂成化郡志而分安成爲一帙者也似屬草創未經梓行繼讀戊辰志謹嚴得體又繼讀壬午志或失則泛然皆以山川人事爲經而以九邑緯之不復分安成矣時欲援是作邑志私考未之就也甲申侍塘南王先生預修郡乘則斟酌兩志之中而於壬午志稍稍有所刪去志旣成或謂予曰志體郡宜嚴邑宜廣福故無志僉云缺典曷若盡合三志所羅邑中人物遂作福乘不亦休乎予喜曰得我心哉於是取凡地里建置食貨選舉秩官人物雜記詞翰整齊其芬約爲十卷戊辰以下諸志所書名賢一切不遺舊傳或簡頗採叢錄各書以潤益之其叢錄暨成化志中原未經三志所收者不敢僭附亦不敢放失別作一編曰輯遺以俟他日博碩鉅公覈而增入

安福縣志

舊序

三

焉書成命曰福乘藏稿閒私以就正於邑獻方塘王公旣訂校之復括舊聞增置十餘傳蓋又叢錄與成化志所未嘗有者予并以附於輯遺之後緘而藏之篋中

福乘藏稿序

顏欲章

吾邑自吳寶鼎間遷城以來風氣日開望於東南入國朝理學忠節文藝科名甲於宇內蓋不啻浙之餘姚閩之晉江幾於家絃戶誦猗歟盛哉然紀載之籍闕如令稽往者致嘆無徵而鏡來者拊心靡引斯誠二百餘年一大歉事也嘉靖中張文學有叢錄之輯時則三五劉先生實與攷訂雅稱良且信顧識者猶憾其稍寬揆之志體不無汎愛而多可覽之未必可傳可慕也先伯舅徵君蓋嘗師事三五先生與聞緒論且以達天之學揆天之才際天之識慨然紬石室而詢獻老酌裁成化吳太常郡志暨正德戊辰嘉靖

壬午萬曆乙酉郡志及叢錄若玉方塘私記及繁綴要博稗錄遺  
爲福乘藏稿十卷輯遺一卷理辨而不華體質而不俚其事核其  
文直不虛美不溢惡凡邑之故粲然列眉庶幾往有可稽來有可  
鏡後之有志夏殷者可無致憾於杞宋已顧是乘也成於辛丑越  
九年己酉徵君歿門人小子相與讀先生之書而遵其志亦第什  
襲藏之以俟後世子雲是歲少尹王自宣氏謀諸同門謂所關於  
邑故良鉅與藏之名山不如傳諸其人之明且遠也於是命工壽  
梓獨力成之所稱善繼先生之志益引之勿替非即昔孔子作春  
秋假魯史以寓王法筆則筆削則削游夏不能贊一辭弟子受春  
秋孔子曰知我者其斯乎罪我者其斯乎斯徵君之志乎欲章不  
佞博愧九庫聚謝五龜亦安能復贊一辭第深嘉自宣之克成師  
意無慚孔氏邱明敬爲引其端云爾

安福縣志

舊序

四

康熙丁未初修縣志序

施閔章

縣志蓋一邑之書其視史差易者三而其陋有五夫書約則易殫  
地狹則易稽人近則易辨然史之爲書掌之太史修之異代善惡  
錯陳褒譏互見書成旣奏流播方寓卿相不能匿其過舉子孫不  
能諱其祖父其中雖間有得失猶爲近核若夫郡邑志乘官非左  
董義爽筆削頌長吏則諛傳先達則誇紀名勝則傳會撫文詞則  
浮蕪分星野考沿革則淆混書取速成事多躋駁甚且事符眾口  
一人矯喙板藏邑庫改竄潛加官吏不能校其非士大夫不盡覩  
其籍遷延日久遂成掌故余嘗極論志書謂不如國史足信者蓋  
以此也自非有道而能文周咨獨斷平心折衷其是非鮮不謬於  
聖賢然可藏之於家未可以示國人何者愛憎蠱起而牽制之勢  
多也則擇人善任不得不歸賢有司安福舊無縣志有之自今中

州焦令君始然其書固非一時草創無所按據者也明正德間布衣張子崧著安成叢錄鄒文莊嘗爲之序神宗時劉徵君元卿又著福乘藏稿二君皆以理學名所謂有道而能文是非不謬者也藏之既久人無異詞今踵而增之遂成縣志又有邑薦紳王謹山司諭鄧五峙明經朱昭遠及文學諸子各任蒐討義無浮濫於以著安成山川風物之美張巨公名卿理學貞孝士女之盛使後之聞者希風景軌於斯爲烈一邑之志而不悖史之義者其庶幾乎余不及寓目卒業而焦君屬序再四夫安福昔處物力充牣文獻輻輳之時邑令闕然無成書今乃成之於難爲之日夫豈碌碌簿領之吏所可望歟

康熙丁未初修縣志序

焦榮

國有史紀世運之隆替載政治之得失列人材之臧否彰往勸來安福縣志

舊序

五

爲千秋金鑑誠慎且重也下而郡邑方內亦有掌故足備蒐羅挈綱標目考獻徵文諸凡吏事民風義關彝訓者上與諸史相表裏俾奕世披冊展覽畢然思主持世教者所重在此不在彼也志顧可少乎哉惟吉州屬城有九安成穎列西北襟帶阻阨人物英華蔚然秀錯卓冠西江之奧區矣粵稽歷代以迄

國朝若而年於茲百度具舉獨邑志從未修輯當亦守土者之缺事也康熙乙巳春余來牧茲土甫旬餘訪求治志以佐治理邑人士僅出叢錄一冊福乘藏稿一冊余反覆流覽竊以爲前人在簡簡編雖云詳矣或亦有略卽傳信矣未免闕疑俟夫後之纂修者博採而約取之也會丙午秋清江鄧子岳壽以壬午冠賢書奉

命振鐸至止余側席延訪互相商確曰安成宿號文獻聖邑其山川之秀麗風氣之敦龐理學之淵源忠節之炳烺與夫科名之隆

盛振古如茲使教養斯土者弗彙纂成書以彰邑勝異時翰軒使  
者驅車螺川之側陳詩貢俗亟取斯邑治譜而上之

天子則愕然莫應將所稱文獻名區不幾幾乎雖盛弗傳也耶余  
於丁未春月卽禮延鄧子以裁纂屬之晉邑人王子辰王子吉朱  
子東升劉子翼張共勳厥事設館授餐靡間晨夕取前編之已載  
者而討論修飾之取後茲之未列者而補輯較訂之諸君子矢公  
矢慎無毫髮私意於其間至若編內澄吏治端風化扶名教關繫  
世道人心之大且遠者尤必兢兢焉撮要拔尤一倣國史之程式  
爲裁定非徒採藻摛華與屬詞比事者同日而語也蓋諸君子稽  
古之學居多焉余宰安成有日矣竊幸藉諸君子之筆以傳安成  
之志因傳安成之志或亦紀治安成之一端云

康熙戊午續修縣志序

張召南

安福縣志

舊序

六

安成原有志前荆巖焦先生遠稽叢錄福乘近採厯年事實編集  
成書詳矣備矣重刻者何滇南之變甲寅乙卯城池兩失厯丙辰  
丁巳夏初

王師復吉州余單騎回縣招鄉民之壯者驅土逆復城池撫殘黎  
關荆榛且軍需旁午供應紛雜疲於奔命食息弗遑一切翰墨事  
不暇問至戊午余內移將解綬遍詢志版煨燼久矣况也永嘆深  
惜文獻之淪沒也適虞音鄒君者出所藏簡明志稿蓋癸丑歲余  
奉劉藩憲修省志時偕諸鄉紳所訂正者示余余喜曰賴有此也  
復謀之縉紳先生僉曰善爰付之梓

康熙癸巳重修縣志序

劉學愉

方令

聖皇建極海晏河清民安物阜舉凡忠孝節義理學文章彬彬乎

盛矣且也草木獻山川之瑞孳生極衍育之繁莫不珍奇畢集以  
上叶

國家太平之運然輜軒採俗必從實錄以驗休徵是則志之所繫  
豈不重哉顧作志之難不自今日始廿一史自司馬遷作史記尙  
已而班固蘇子由則不滿於遷迨至范蔚宗鄭仲漁之輩則又不  
滿於固故劉知幾有三長之說袁崧有五難三等四患之說則於  
尙書春秋而外卽左國亦不能無議而况其他是必有超人之學  
識而無鋪張揚厲靡曼支離之失於麗瓊屑於此脫略於彼之失  
於偏然後可以作志安成從有明以迄於今三百餘年甲第雲興  
公輔星燦而節義文學冠於江右兼以武功五老之山瀘瀟鴿蜜  
之水環列流峙允宜彪炳汗青光昭史冊憶昔焦君荆巖先生遠  
稽叢錄福乘規畫成書且詳且備其如兵燹迫境舊志云燬丁巳

安福縣志

舊序

七

夏前邑侯仲文張公當

王師復吉州之後遍訪而重修之冗者汰缺者補班班可考焉今  
安成之應時而興起者大倍於昔寧可有缺漏而未備者耶於是  
邑之紳士大夫爲之廣搜前志近述見聞一一摭其實以壽諸梨  
棗不失於麗不失於偏人物山川靡不悉歸至當異日輜軒所至  
貢俗陳詩以進於

大清一統之志則茲志不已並垂不朽哉予膺

簡命蒞茲土而樂其志之有成也遂弁數言於其端

康熙癸巳重修縣志序

黃寬

邑有志猶國史也史固彰瘴並用而志則有彰無瘴春秋樂與人  
爲善此物此志耳願董厥事者耳目弗及失之略采訪不精失之  
誣與略而誣也無寧任其與之曠乎夫之五雲六載壬辰來攝

成車驅車至境東望瀘江奔匯四靈嵯峨蟠踞流峙襟帶間洵奇  
且秀而其南爲淵明讀書臺五柳之芳躅在焉北瞻華封西顧武  
功石城其勝跡所留千古如新已而檢閱舊志見前代理學文章  
忠孝節烈直可冠西江諸邑

國朝人文繼起後先輝映而三十餘年紀載闕如適太守趙公遷  
擢去以縣志不備致郡志未修爲憾予因思昔人遇佳山勝水且  
必流連歆羨况安成爲鄒魯名區昔泰鄰封猶切嚮往今獲蒞斯  
上理學之宗風未墜忠義之往烈猶存則顯微闡幽非予誰責又  
烏得以簿書鞅掌而忽諸爰集諸紳士於明倫堂期各舉所聞所  
見續其闕略而徵文考獻一遵張布衣叢錄劉徵君福乘藏稿暨  
前焦張兩先生成書至發凡起例分門別類雖微有異同實悉仍  
舊文編次成帙捐薄俸付剞劂五閱月而告竣我不敢知曰無美  
安福縣志

舊序

八

弗收也而竄略無誣差堪問心異日省郡諸當事修舉通志庶幾  
三十餘年之嘉言懿行燦然目中足備採擇云耳

乾隆壬寅重修縣志序

張繡中

予嘗讀康對山武功志韓午泉朝邑志而喜其文簡事核義例精  
嚴有異乎鋪張繁縟之爲自非心細如髮精神大於身而徒減字  
句以求工是效西子之顰而學邯鄲之步其不爲通識之所誦也  
者幾希壬寅春安成令周君有虔州之役余適來承其乏時金谿  
王水部南城劉明經延請在館與余談論志事以歲月稽遲爲憾  
蓋倡其議爲前令高君迄於今幾三年矣余急欲成之顧簿書旁  
午未遑也夏杪自省旋廣採諸紳士贊襄其事凡舊志之冗  
者刪之缺者補之共爲十門二十二卷未付剞劂夫修志之難等  
於修史以昌黎東坡之才而猶不敢輕任筆削况謏陋寡聞如余

者乎惟是矢公矢慎不敢一毫苟且差堪質諸神明白諸當世昔  
司馬溫公嘗言生平無一事不可對人者余於茲役敬佩斯語云  
爾若夫步康韓之逸軌而媿美乎朝邑武功也則余烏乎敢

安福縣志重修銜名

監修

同知銜安福縣知縣姚濬昌

協理

安福縣儒學教諭傅作舟

安福縣儒學訓導黎師軾

安福縣丞陶璫

總纂

鹽運使銜前任福建延建邵道周立瀛

刑部主事趙廷愷

舉人王及甲

協修

安福縣志銜名

舉人李交沆

舉人彭克敬

副貢生張喈鳳

副貢生伍澄清

校理

前任直隸順德府知府趙楨生

翰林院檢討王邦璽

舉人鄒希憲

保舉孝廉方正監生周學易

六品銜歲貢生劉恩慶

監刊

州同職銜監生歐陽灝

監

生王選請

安福縣志

街名

一